



歷代帝王曆祚考卷之六

新安吳繼安康侯甫編輯

吳明春伯生甫攷正

孫用之爾行甫校閱

○南北朝

宋 南朝

始武帝末初元年庚申終順帝昇明三年己未八帝凡六十年齊蕭道成滅之然昇明三年卽齊建元元年



高祖武皇帝姓劉名裕字德興小字寄奴彭城人漢楚元王交二十一世孫父名翹爲郡功曹帝生而風骨奇偉行止時見二小龍附翼及貴龍形更大初爲劉牢之參府軍事討滅孫恩加彭城內史後誅桓玄滅後秦南燕封宋公進爵爲王晉恭帝元熙二年庚申六月遂受晉禪卽皇帝位建元末初承晉金德以水德王都建康在位三年葬初寧陵子七少帝廬陵孝獻王義真文帝彭城王義康江夏

文獻王義恭南郡王義宣衡陽文王義季女六會稽宣長公主義興恭長公主豫康長公主吳興長公主吳郡宣公主始安哀公主又追尊皇考爲孝穆皇帝封二弟長沙景王道憐臨川武烈王道規

少帝名義符小字車兵武帝長子末初三年壬戌五月武帝崩卽位癸亥改元景平在位一年遊戲無度徐羨之等廢爲營陽王尋弒之太祖文皇帝名義隆小字車兒武帝第三子初



封宜都王少帝廢迎立之甲子秋八月卽位  
改元元嘉在位三十年子十九太子劭始興  
王濬孝武帝南平穆王鑠廬陵昭王紹竟陵  
王誕建平宣簡王宏廬陵王偉晉熙王昶武  
昌王渾後以戲稱楚王改元元光免爲庶人  
自殺明帝始安王休仁晉平刺王休佑海陵  
王休茂鄱陽哀王休業臨慶弅王休倩新野  
懷王夷甫桂陽王休範巴陵哀王休若女十  
淮陽長公主東陽獻公主尋陽公主臨賀公

主臨川長公主海鹽公主武康公主南郡獻  
公主廬江公主新蔡公主元嘉三十年二月  
元凶劭與濬構逆帝崩於合德殿劭自立改  
元太初凡二月武陵王駿起兵誅之葬文帝  
於長寧陵

世祖孝武皇帝名駿小字道人文帝第三子少  
機穎爽發讀書七行俱下初封武陵王會元  
凶劭弒逆與沈慶之起兵討劭并濬誅之甲  
午卽位改元者二孝建三大明八在位十一



年葬景寧陵子二十八人廢帝豫章王子尚  
晉安王子勛安陸王子綏松滋侯子房臨海  
王子頊始平孝敬王子鸞永嘉王子仁始安  
王子真邵陵王子元齊敬王子羽淮南王子  
孟南平王子產晉陵王子雲廬陵王子興南  
海王子師淮陽思王子霄東平王子嗣皇子  
子深子鳳子玄子衡子况子文子雍蚤天未  
封子趨子期子悅為明帝所殺女九山陰公  
主與廢帝共母出宣城德公主臨海公主臨  
淮公主康哀公主康樂公主安吉公主安國  
公主皇女楚琇未封

廢帝名子業小字法師孝武帝長子大明八年  
五月帝崩卽位明年乙巳改元景和又末光  
殘虐無道湘東王使壽寂等弑之

太宗明皇帝名彧小字榮期文帝第十一子初  
封湘東王廢帝疑畏諸父將加害大明九年  
乙巳冬十一月弑廢帝卽皇帝位改元者二  
泰始七泰豫一在位八年葬高寧陵晉安王



子勛僭卽僞位於尋陽改元義嘉凡八月車  
駕親討誅之子十二蒼梧王昱順帝晉熙王  
燮邵陵殤王友江夏王躋武陵王贊隨郡王  
劼新興王嵩始建王禧皇子法良智井未封  
一皇子未名天女陽羨公主

蒼梧王名昱明帝長子初明帝以妾陳氏賜嬖  
倖李道兒有孕迎歸生昱故人呼爲李氏子  
帝亦自稱李將軍泰豫元年夏四月明帝崩  
卽位明年癸丑改元元徽在位四年暴虐好

殺無道日甚蕭道成與王敬則謀弒之追廢  
爲蒼梧王

順皇帝名準小字知觀明帝第三子初封安成  
王姿貌端華眉目如畫見者以爲神人元徽  
五年丁巳廢帝殞蕭道成迎卽皇帝位改元  
昇明在位三年終己未夏四月蕭道成篡位  
封帝爲汝陰王徙居丹陽宮尋弒之葬遂寧  
陵謚曰順宋亡

齊  
南朝



始高帝建元元年己未終和帝中興二年壬午七帝凡二十四年梁蕭衍滅之然中興二年卽梁天監元年

太祖高皇帝姓蕭名道成字紹伯小字鬪將其先南蘭陵郡人淮陰令整渡江居武進縣南父承之爲宋漢中太守遷右軍將軍帝生而姿表英異龍穎鐘聲鱗文遍體仕宋數征討有功後爲相國封齊公進爵爲王昇明三年己未四月遂受宋禪卽皇帝位建元建元承

宋土德以木德王都建康追尊皇考曰宣皇帝封兄道度爲衡陽元王道生爲始安貞王子十九武帝豫章文獻王疑臨川獻王映長沙威王晃武陵昭王曄安成恭王暠鄱陽王鏘桂陽王鑠始興簡王鑑衡陽王鈞江夏王鋒南平王銳宜都王鏗晉熙王鈔河東王鉉餘四子蚤夭女臨海長公主帝在位四年壬戌三月崩葬泰安陵

世祖武皇帝名贖小字龍兒高帝長子高帝崩



卽位明年癸亥改元永明在位十一年葬景  
安陵子二十三文惠太子竟陵文宣王子良  
廬陵王子卿魚復侯子響安陸王子敬晉安  
王子懋南郡王子隆建安王子夏西陽王子  
明南海王子罕巴陵王子倫邵陵王子貞臨  
賀王子嶽西陽王子文衡陽王子峻南康王  
子琳永陽王子珉湘東王子建南野王子夏  
餘四皇子蚤夭女吳縣公主淮南長公主武  
康公主長城公主

鬱林王名昭業小字法身文惠太子長子武帝  
立爲皇太孫永明十一年癸酉七月卽位追  
尊父文惠太子爲世宗文皇帝封弟昭文爲  
新安王昭秀爲巴陵王昭燦爲桂陽王改元  
隆昌元年甲戌秋七月西昌侯鸞弒之追廢  
爲鬱林王

海陵恭王名昭文文惠太子第二子初封臨汝  
公鬱林王立改封新安王及鬱林廢鸞奉立  
之改元延興立三月鸞復以太后令廢爲海



歷代通鑑輯覽卷之六  
陵王尋弒之

高宗明皇帝名鸞小字玄度高帝兄始安貞王道生之子少孤高帝撫育過諸子初封西昌侯後爲侍中尚書令封宣城郡公進爵爲王弒二帝遂入纂高帝爲第三子建武元年甲戌冬十月卽皇帝位改元者二建武四朶泰一在位五年葬興安陵子十一巴陵隱王寶義東昏侯江夏王寶玄和帝廬陵王寶源鄱陽王寶寅邵陵王寶攸晉熙王寶嵩桂陽王

寶貞餘二皇子蚤夭女山陰長公主錢唐公主

東昏侯名寶卷本名明賢明帝第二子朶泰元年戊寅秋七月明帝崩卽位明年巳卯改元朶元在位二年荒淫殘忍日甚蕭衍與南康王寶融起兵入建康斬之追廢爲東昏侯

和帝名寶融明帝第八子初封南康王蕭穎胄奉以起兵與蕭衍合入建康殺東昏侯辛巳卽位改元中興在位二年終壬午三月蕭衍



篡位廢帝為巴陵王宮於姑熟尋弑之追謚  
為和帝葬恭安陵齊亡

梁

南朝

始武帝天監元年壬午終恭帝太平二年丁  
丑五帝凡五十六年陳霸先滅之然太平二  
年即陳末定元年

高祖武皇帝姓蕭名衍字叔達小字練兒與齊  
同祖淮陰令整四世生父順之於齊高帝為  
始族弟有功歷位侍中衛尉贈鎮北將軍謚

曰懿帝生而有異光日角龍顏重嶽虎顧舌  
文八字身映日無影有文在右手曰武為兒  
時能蹈空而行所居室中嘗有雲氣與王融  
等為八友明帝時為都督雍州刺史末元二  
年起兵入建康立和帝封梁公進爵為王中  
興二年壬午四月遂受齊禪即皇帝位建元  
天監承齊木德以火德王都建康追尊父為  
太祖文皇帝封其弟臨川王宏安成康王秀  
南平王偉鄱陽忠烈王恢始興忠武王憺妹



義興昭公主新安穆公主夫人郝氏爲德皇后  
后后性酷妬死後化爲蟒龍入後宮見夢見  
形常以五味飼之於露井中故帝卒不置后  
子八昭明太子統簡文帝豫章王綜南康簡  
王績廬陵茂王績邵陵攜王綸元帝武陵王  
紀女末興公主末世公主末康公主末嘉公  
主富陽公主溧陽公主後爲侯景所納改元  
七天監十八普通七大通二中大通六大同  
十一中大同一太清三在位四十三年侯景

反舉兵圍帝於臺城城陷景專制帝餒口苦  
求蜜不得荷荷而崩葬脩陵

太宗簡文皇帝名綱小字六通武帝第三子六  
歲能屬文讀書一目十行俱下初封晉安王  
太清四年庚午五月臺城陷武帝崩卽位改  
元大寶子二十人哀太子大器尋陽王大心  
江陵王大欵南海王大臨南郡王大連安陸  
王大春桂陽王大成宜都王大封瀏陽公大  
雅新興王大莊西陽王大鈞武寧王大威皇



歷代考 卷之六  
子大訓建平王大鉢義安王大昕綏寧王大  
摯樂良王大園餘三皇子蚤夭女長山公主  
餘姚公主海鹽公主定陽公主餘女未封名  
在位二年侯景廢為晉安王使禪位於豫章  
王棟尋為所弑葬莊陵

豫章王名棟昭明太子之孫昭明有五子長豫  
章郡王歡次河東郡王譽嶽陽郡王譽武昌  
郡王警義陽郡王鑒歡生棟嗣豫章王大寶  
二年辛未八月侯景矯詔以為越升非次宜

歸正嫡廢簡文而迎棟即皇帝位改元天正  
未幾為景所篡封淮陰王及二弟橋穆竝鎖  
於密室十一月景遂自即皇帝位建元太始  
國號漢明年壬申四月景敗斬於松江傳首  
江陵棟兄弟相扶出元帝使朱買臣招往船  
共飲沈之於水死

世祖孝元皇帝名繹字世誠小字七符武帝第  
七子少眇一目極聰穎博極羣書初封湘東  
王為鎮西將軍都督荊州刺史太清三年侯



景暉建業起兵討景四方勸進不許時武陵王紀已僭位於成都改元天正立一年見殺帝乃以壬申冬十一月卽位於江陵改太清六年爲承聖元年在位三年蕭詧引魏兵圍江陵城陷被執遇害子忠烈世子方等貞惠世子方諸敬帝愍懷太子方矩改名元良始安王方略餘諸子未出閣無封失名女益昌公主

敬皇帝名方智小字法真元帝第九子初封晉

安郡王承聖三年魏尅江陵王僧辯與陳霸先以帝爲梁王承制奉迎至建業乙亥夏四月僧辯納貞陽侯蕭明入建業卽帝位改元天成陳霸先襲殺僧辯出蕭明而奉帝九月卽位改元紹泰一太平二在位三年丁丑冬十月陳霸先篡位封帝爲江陰王尋弒於外邸謚敬皇帝後未定三年王綝以永嘉王莊稱帝改元天啓一年復爲陳文帝滅之梁亡

陳

南朝



始武帝未定元年丁丑終後主禎明三年己酉五帝凡三十三年隋文帝滅之

高祖武皇帝姓陳名霸先字興國小字法生吳興長城人漢太丘長寔之後寔六世生長城令達遂家於此又十五世生皇考文讚初帝爲廣州叅軍討李賁有功授直閣將軍後爲交州刺史討侯景進封長城公魏平江陵立敬帝爲相國封陳公進爵爲王太平二年丁丑冬十月遂受梁禪卽皇帝位改元未定承

梁火德以土德王都建康追尊皇考爲太祖景皇帝兄道談爲始興昭烈王弟休光爲南康忠壯王世子充爲孝懷太子長城世子昌爲衡陽獻王封女爲會稽穆公主又封兄子蒨爲臨川郡王項襲封始興郡王弟子曇朗爲南康王帝在位三年崩葬萬安陵

世祖文皇帝名蒨始興昭烈王之長子初封臨川王武帝甚愛之遺詔徵入纂皇統卽位庚辰改元天嘉六又天康一在位七年葬永寧



陵子十三廢帝始興王伯茂鄱陽王伯山新安王伯固晉安王伯恭廬陵王伯仁江夏王伯義武陵王伯禮永陽王伯智衡陽王伯信桂陽王伯謀餘二皇子蚤夭女信義公主廢帝名伯宗小字藥王文帝嫡長子丁亥卽位改元光大立皇子至澤爲太子在位二年安成王項廢帝爲臨海王而自立

高宗孝宣皇帝名頊字紹世小字師利始興烈王第二子初侍江陵遷於長安遙封始興

郡王改封安成王天嘉三年自周還歷位司空尚書令光大二年奉慈訓太后令卽皇帝位己丑改元大建在位十四年子四十二後主始興王叔陵豫章王叔英長沙王叔堅建安王叔卿宜都王叔明河東王叔獻新蔡王叔齊晉熙王叔文淮南王叔彪始興王叔重尋陽王叔儼嶽陽王叔慎義陽王叔達巴山王叔雄武昌王叔虞湘東王叔平臨賀王叔敖陽山王叔宣西陽王叔穆南安王叔儉南



郡王叔澄沅陵王叔興嶽山王叔韶新興王  
叔純巴東王叔謨臨海王叔顯新會王叔坦  
新寧王叔隆新昌王叔榮太原王叔匡餘叔  
叡叔忠叔弘叔毅叔訓叔武叔處叔封未封  
三未名女樂昌公主大建十四年正月帝崩  
葬顯寧陵

後主名叔寶字元秀小字黃奴宣帝嫡長子宣  
帝崩始興王叔陵構逆伏誅遂卽位明年癸  
卯改元至德四又禎明三在位七年荒於酒

色不恤政事子二十二吳興王胤南平王嶷  
末嘉王彥太子深南海王虔信義王祇邵陵  
王兢會稽王莊東陽王恠吳郡王藩錢唐王  
恬餘總觀明綱統冲洽縉綽威辯十一人俱  
未封禎明三年巳酉二月隋伐陳克之執後  
主封長城縣公謚曰煬陳亡

後梁 附

始宣帝大定元年乙亥終莒國公廣運二  
年丁未三主凡三十三年隋文帝滅之



宣皇帝名譽武帝孫昭明太子統第三子初封嶽陽王與西魏攻江陵殺元帝魏立爲梁王遂鎮江陵梁敬帝紹泰元年乙亥遂卽皇帝位改元大定在位七年

明皇帝名歸宣帝子壬午卽位改元天保在位二十四年

莒國公名琮明帝子丙午卽位改元廣運在位二年隋文帝徵入朝廢梁國封莒國公尋卒後梁亡

元魏

北朝

始道武帝登國元年丙戌終孝武帝永熙三年甲寅棄國西奔長安十三主凡一百四十九年分爲東西魏

太祖道武皇帝姓拓跋名珪昭成帝嫡孫獻明帝之子其先黃帝之後昌意少子受封北國有大鮮卑山因以爲號其裔有始均六七十代至毛立始大追封爲成皇帝十三世生聖武皇帝名詰汾田遇天女與之相偶暮而復



遇送所生男授帝是為神元皇帝力微力微  
生文帝沙漠汗沙漠汗生長子桓帝猗也次  
穆帝猗廬少思帝弗晉封猗廬為代王弗子  
平文皇帝鬱律生長子烈皇帝翳槐次昭成  
皇帝什翼犍後為苻健所并至拓跋珪復自  
立為代王遷居定襄之盛樂東晉孝武太元  
十一年丙戌即魏王位建元登國都平城國  
號魏祖黃帝以土德王北俗謂土為托后為  
跋故以為氏及孝文帝改姓元氏遷都洛陽

乃定為水德上繼西晉金德追尊祖什翼犍  
為昭成帝父寔為獻明帝子十元明帝清河  
王紹陽平王熙河南王曜河間王脩長樂王  
處廣平王連京兆王黎皇子湲及聰蚤夭女  
華陰公主改元者四登國十皇始二天興六  
天賜五在位二十三年為次子紹所弑葬盛  
樂金陵

太宗明元皇帝名嗣道武帝長子初封齊王已  
酉即位改元者三末興五神瑞二泰常八在



位十五年葬雲中金陵子七太武帝樂平戾  
王丕安定殤王彌樂安宣王範末昌莊王健  
建寧王崇新興王俊女南安長公主武威長  
公主陽翟公主

世祖太武皇帝名燾明元帝長子初封太平王  
甲子卽位子十一景穆帝晉王伏羅東平王  
翰臨淮王譚廣陽王建南安王余皇子小兒  
猫兒真彪頭龍頭蚤天改元六始光四神麤  
四延和三太延四太平真君十一延平二在

位二十八年内侍宗愛弒之葬雲中金陵又  
矯詔立南安王余改元末平尋復弒余

高宗文成皇帝名濬太武帝嫡孫太子晃長子  
壬辰卽位改元者四興安二興光一太安五  
和平六在位十四年葬雲中金陵追尊父晃  
爲景穆皇帝又封其弟陽平幽王新成京兆  
康王子推濟陰王小新成汝陰靈王天賜樂  
良厲王萬壽廣平殤王洛侯任城康王雲南  
安惠王楨陽城康王長壽章武敬王太洛樂



陵康王胡兒安定靖王休趙王深子七獻文  
帝安樂厲王長樂廣川莊王略齊郡順王簡  
河間孝王若安豐匡王猛韓哀王安平女建  
興長公主平陽長公主武邑公主

顯祖獻文皇帝名弘文成帝長子丙午卽位改  
元者二天安一皇興五在位五年禪位於太  
子自稱太上皇有憾於馮太后爲其所弑葬  
雲中金陵子七孝文帝咸陽王禧趙郡靈王  
幹高陽文穆王雍廣陵惠王羽彭城武宣王  
懿北海王詳女彭城長公主陳留公主高平  
公主始平公主

高祖孝文皇帝名宏獻文帝長子皇興五年辛  
亥受內禪卽位改元三延興五承明一太和  
二十三在位二十九年遷都洛陽改姓元氏  
制禮作樂魏室文明之主稱首帝焉太和二  
十三年崩葬長陵子七廢太子恂宣武帝廣  
平文穆王懷京兆王愉清河文獻王懌汝南  
王悅皇子怵蚤夭女蘭陵長公主南陽長公



主義陽長公主樂安公主淮陽公主滄水公主琅瑯長公主

世宗宣武皇帝名恪孝文帝第二子庚辰卽位  
改元者四景明四正始四末平四延昌四在  
位十六年京兆王愉反改元建平尋討平之  
魏業始衰葬景陵子二皇子昌蚤夭孝明帝  
女建德公主

肅宗孝明皇帝名詡宣武帝第二子丙申卽位  
年六歲胡太后臨朝改元者五熙平二神龜

二正光五孝昌三武泰一在位十二年武泰  
二年二月爲胡太后所酖葬定陵女一壽陽  
長公主無子太后立臨洮王寶之子釗年方  
三歲卽位二月爾朱榮舉兵入洛沈幼主并  
太后於河陰

敬宗孝莊皇帝名子攸彭城王勰第三子初封  
長樂王武泰二年戊申四月爾朱榮奉之卽  
位改元建義尋改永安在位三年庚戌十月  
誅爾朱榮十二月爾朱世隆爾朱兆反舉兵



向京師遷帝於晉陽而弑之并殺皇子立長樂王曄改元建明明年辛亥二月尋復廢之後追封爲東海王

節閔皇帝名恭廣陵惠王羽之子先襲廣陵王以元乂擅權託稱瘖病絕言垂一紀建明二年辛亥二月爾朱世隆以元曄踈遠將圖廢立令所親申意帝曰天何言哉世隆遂廢曄奉之卽位改建明二年爲普泰元年封皇子恕爲渤海王在位一年冬十月高歡推渤海

太守元朗卽皇帝位於信都明年壬子五月高歡入洛帝遂遇害

廢帝名朗太子晃之後章武王融第三子普泰元年辛亥十月高歡立之乃改普泰元年爲中興元年明年壬子四月尋復廢之而立孝武後封爲安定郡王

孝武皇帝名脩廣平武穆王懷第三子初封平陽王中興二年壬子四月廢帝以踈遠遜位高歡乃迎帝卽皇帝位改中興二年爲太昌



元年尋又改永熙在位三年秋七月畏丞相高歡之逼奔入長安依宇文泰是年閏十二月帝遇酖而崩初帝從妹不嫁者三明月公主平原公主蒺藜公主帝以明月入關蒺藜自縊宇文泰使元氏諸王殺明月帝不悅由是遇弒十餘年乃葬雲陵魏自是分爲東西矣

西魏

北朝

始孝武帝永熙三年甲寅西奔都長安文帝

大統元年乙卯卽位終恭帝大統二十二年丙子三主凡二十二年周宇文覺滅之

文皇帝名寶炬孝文皇帝之孫京兆王愉之子

初封南陽王永熙三年甲寅孝武帝崩明年

乙卯梁武帝大同元年高歡奉迎卽皇帝位

改元大統在位十七年春三月崩葬永陵子

五廢帝趙王寧燕王儒恭皇帝吳王公女金

明公主襄樂公主晉安公主樂平公主

廢帝名欽文皇帝長子壬申卽位不改元仍稱



大統在位二年為宇文泰所廢

恭皇帝名廓文皇帝第四子初封齊王宇文泰

立之大統二十年甲戌即位不改元仍稱大

統復姓拓跋氏在位三年梁敬帝太平元年

丙子十二月遜位於周封為宋公尋殂魏亡

東魏 北朝

始甲寅孝武帝西奔長安高歡迎立孝靜帝

終庚午一主凡十七年齊高洋滅之

孝靜皇帝名善見清河文宣王亶之世子於梁

武帝中大通六年甲寅西奔長安高歡迎之

即皇帝位年十一始據洛城後遷鄴改元者

四天平四元象一興和四武定七在位十六

年梁武帝太清三年庚午遜位於北齊封為

中山王尋為所弒太子長仁女博陵長公主

東平長公主東魏亡

北齊 北朝

始文宣帝天保元年庚午終幼主承光元年

丁酉六主凡二十八年周武帝滅之



顯祖文宣皇帝姓高名洋字子進渤海蓆人也  
其七世祖隱爲晉玄菟太守後世徙居懷朔  
父歡字賀六渾初以能剪惡馬見奇於爾朱  
榮後誅爾朱兆廢立三帝遂執魏柄兄澄爲  
盜所殺帝以魏孝靖帝武定七年庚午受禪  
卽皇帝位國號齊建元天保承魏水德以木  
德王都鄴追尊父歡爲高祖神武皇帝兄澄  
爲文襄皇帝封弟常山王演襄城景王清長  
廣王湛博陵文簡王濟永安簡平王浚平陽

靖翼王淹彭城景思王洸華山王凝上黨剛  
肅王渙任城王潛高陽康穆王湜馮翊王潤  
漢陽敬懷王洽妹陽翟公主浮陽公主又封  
兄子河間王孝琬河南王孝瑜廣寧王孝珩  
蘭陵王長恭安德王延宗漁陽王紹信子五  
廢帝太原王紹德范陽王紹義西河王紹仁  
隴西王紹廉女鄉郡公主太原公主義寧公  
主帝在位十年冬十月暴崩葬武寧陵  
廢帝名殷字正道小字道人文宣帝長子庚辰



卽位改元乾明常山王演以太皇太后令廢  
帝爲濟南王篡位尋復弑之後謚爲閔悼王  
孝昭皇帝名演神武帝第六子初封常山王後  
專決朝政遂廢幼主卽皇帝位改乾明元年  
爲皇建元年在位一年因文宣爲祟而崩葬  
文靜陵子七樂陵王百年襄城王亮汝南王  
彥理始平王彥德城陽王彥基定陽王彥康  
汝陽王彥忠

世祖武成皇帝名湛神武帝第九子初封長廣

王孝昭崩遺詔徵帝入統大位辛巳卽位改  
皇建二年爲太寧元年又改元河清在位四  
年傳位於太子葬永平陵子十三後主琅琊  
王儼南陽王綽齊安王廓北平王貞高平王  
仁英淮南王仁光西河王仁機樂平王仁邕  
潁川王仁儉安樂王仁雅丹陽王仁直東海  
王仁謙

後主名緯武成帝長子天統元年乙酉受內禪  
卽位改元者三天統五武平六隆化一在位



十二年無道周師伐之急安德王延宗從衆  
議卽帝位於晉陽改隆化爲德昌元年尋戰  
敗爲周人所執後主乃傳位於太子恒子五  
幼主東平王恪善德買德質錢俱未封  
幼主名恒後主長子隆化二年丁酉受內禪八  
歲卽位改元承光在位一年周師迫鄴東走  
濟州并後主爲周所獲封後主爲溫國公後  
賜死北齊亡

後周

北朝

始閔帝大統二十三年丁丑終靜帝大象二  
年庚子五主凡二十四年隋楊堅滅之

孝閔皇帝名覺字陀羅尼文帝第三子代郡武  
川人其先炎帝之後爲黃帝所滅遁居朔野  
始祖葛鳥兔有裔孫普回得黃帝玉璽北俗  
謂天子曰宇文故國號宇文因以爲氏十三  
世而生父泰小字黑獺征討有功據有長安  
迎孝武帝立文帝進封周王薨帝嗣位恭帝  
大統二十三年丁丑帝乃受禪卽皇帝位承



西魏水德以木德王都長安追尊父泰爲太祖文皇帝文帝十三子明帝宋獻公震次閔帝武帝衛刺王直齊煬王憲趙僭王招譙孝王儉陳惑王純越野王盛代曩王達冀康公通滕聞王迨女昌樂大長公主建安長公主帝以丁丑卽位一年未改元晉公宇文護幽之貶爲略陽公尋復弑之年十六葬靜陵子一紀厲王康女永富公主

世宗明皇帝名毓小名統萬文帝長子丁丑九

月護廢閔帝迎而立之卽位稱元年二年始建元武成在位三年護置毒糖糲進帝弑之葬昭陵子三畢利王賢鄧王貞宋王實女河南公主

高祖武皇帝名邕字彌羅突文帝第四子初封魯公武成二年庚辰四月明帝崩遺詔立帝乃卽位明年辛巳改武成三年爲保定元年改元者四保定五天和六建德六宣政一在位十八年誅護滅齊志滅陳爲一統未遂而



崩葬孝陵子七宣帝漢王贊秦王贊曹王允  
道王充蔡王允荆王元後俱爲隋文所殺  
宣皇帝名贇武帝長子宣政元年戊戌四月卽  
位在位一年明年改元天成尋復禪位於太  
子闡自稱天元皇帝立五后驕奢耽酗大象  
二年五月崩葬定陵子三靜帝萊王衍郢王  
術女宜陽公主後俱爲隋文所害

靜皇帝名闡先名衍宣帝長子天成元年巳亥  
二月受內禪七歲卽位改元大象在位二年  
又改大定元年辛丑二月爲丞相楊堅所篡  
封介國公尋弑之周亡

謹按南北朝起宋武帝永初庚申至元順  
帝至正丁未共計九百四十八年

○隋

始文帝開皇元年辛丑終恭帝義寧元年丁  
丑三帝凡三十七年唐高祖滅之自庚戌接  
陳統至丁丑凡二十八年

高祖文皇帝姓楊名堅小字那羅延本弘農華



陰人漢太尉楊震十四世孫父忠仕魏有功  
賜姓普六茹氏後仕周封隋國公生帝有文  
在手曰王字龍頷額上有五柱入頂目光外  
射皇妣一日抱帝忽見頭上出角徧體起鱗  
驚墜帝於地有尼自外見曰已驚我兒致令  
晚得天下周武帝時以帝爲小宗伯襲封隋  
公聘帝長女爲太子妃及天元崩矯詔受遺  
輔政遂受周靜帝禪以大定元年辛丑卽皇  
帝位建元開皇承周木德以火德王都長安

追尊皇考爲太祖武元皇帝封弟蔡景王整  
滕穆王瓚道宣王嵩衛昭王爽姐安成長公  
主妹昌樂縣長公主子五房陵王勇初爲太  
子煬帝秦孝王俊蜀王秀漢王諒二王後俱  
廢爲庶人女樂平公主南陽公主義城公主  
改元者二開皇二十仁壽四在位二十四年  
開皇九年平陳一統仁壽四年甲子七月爲  
太子廣所弑葬太陵

煬皇帝名廣一名英小字阿廢高祖第二子詐



飾構廢太子勇仁壽四年因侍疾逼蒸陳夫人高祖欲廢之乃行弑逆遂卽位明年乙丑改元大業在位十三年窮奢極欲巡遊無度數伐高麗盜賊蠡起宇文化及乃弑帝於江都立秦王浩煬帝三子元德太子昭蚤死齊王暕趙王杲太子昭三子恭皇帝燕王倓越王侗

恭皇帝名侑煬帝孫太子昭之長子初封代王大業十三年丁丑唐畱守李淵入長安迎之

卽位改元義寧立一年明年戊寅禪位於唐封鄴國公謚曰恭王世充亦以大業十四年戊寅奉越王侗卽位於東都改元皇泰在位二年王世充篡位弑之僞謚亦曰恭隋亡謹按隋起高祖開皇辛丑至元順帝至正丁未共計七百七十八年

隋僭位改元十八國

許

宇文化及代郡武川人述之長子弟士及尚



南陽公主智及素狂勃勸兄化及弒煬帝  
於江都立秦王浩西歸至魏縣義寧二年  
戊寅乃僭卽皇帝位國號許建元天壽後  
爲竇建德擊敗梟首暴尸并其黨誅滅之

魏

李密字玄邃一字法主遼東襄平人父寬仕  
周爲蒲山公居長安始與楊玄感反敗以  
計脫投東郡賊翟讓遂據洛口倉橫行山  
東建號魏卽位建元末平三年與王世充

戰敗降唐後復叛盛彥師擊斬之

鄭

王世充字行滿祖西域胡號支頽釋後徙新  
豐死妻歸霸城人王燦子收從之冒姓王  
生世充豺聲卷髮善以口舌緣飾人不能  
屈煬帝時以充有將略李密逼東 邲使爲  
將軍屯洛口會江都弒逆越王侗立封鄭  
國公唐武德元年乙卯遂矯侗策禪位國  
號鄭建元開明僭位三年唐秦王滅之



夏

竇建德貝州漳南人世爲農漢景太后父竇充之裔初亡入高雞泊爲盜大業十三年丁丑據河間之樂壽自立爲長樂王國號夏建元丁丑一年又改五鳳僭位四年將兵救王世充爲唐秦王所殺妻子并降

秦

薛舉蘭州金城人大業十三年丁丑隴西盜起與子仁果劫縣令起兵發粟濟貧自號西秦霸王據隴西建元秦興僭卽帝位三年唐秦王滅之

京

李軌字處則涼州姑臧人義寧二年戊寅薛舉亂遂集衆自稱河西大涼王僭帝號建元安樂凡三年爲唐所滅

定陽

劉武周瀛州景城人父匡徙馬邑大業十三年丁丑斬太守王仁恭開倉賑饑得兵萬



餘賂突厥立為定陽可汗遂僭即皇帝位  
建元天興凡四年唐秦王滅之

燕

高開道滄州信陽人世煮鹽為生初依河間  
賊武德元年據有北平漁陽自號燕王先  
是懷戎浮圖高曇晟因縣令具供殺之偽  
號大乘皇帝建元法輪約開道為兄弟從  
之殺曇晟并其眾武德五年壬午遂建元  
始安僭位六月為愛將張金樹縊斬之

漢東

劉黑闥貝州漳南人嗜酒喜蒲博初亡命為  
盜後為竇建德將建德滅故將范願等立  
黑闥為報仇盡復建德故地武德五年壬  
午自稱漢東王建元天造僭位一年唐秦  
王擊走之後復引突厥入寇唐車騎諸葛  
德威執送太子建成斬之山東悉平

梁

蕭銑梁宣帝曾孫初為羅川令嶽陽兵起推



銑為主大業十三年丁丑遂自稱帝國號  
梁建元鳳鳴僭位四年唐遣趙郡王孝恭  
與李靖伐降之斬於長安都市

宋

輔公祏齊州臨濟人隋季與鄉人杜伏威為  
盜擊敗李子通後伏威歸唐封公祏為淮  
南道行臺僕射武德五年壬午伏威入朝  
公祏居守遂舉兵反僭帝位即陳故宮國  
號宋以張善安為西南道大行臺善安降

唐公祏勢遂衰僭位凡二年唐趙郡王孝  
恭擊斬之傳首京師

魯

徐圓朗兗州人隋末為盜據本郡勝兵二萬  
先附密密敗歸建德會黑闥兵起執葛國  
公盛彥師應之武德五年壬午自號魯王  
僭位一年唐淮安王神通與李世勣合兵  
攻之圓朗棄城夜走為野人所殺

梁



沈法興湖州武康人初爲吳興郡守義寧二年丁丑江都亂遂起兵至毗陵據其城武德二年庚辰自稱梁王建元延康僭位二年將兵救陳稜以擊李子通反爲所敗自沉於江死

吳

李子通沂州丞人少貧以漁獵爲生初依長白山賊大業十一年僭號楚王攻陳稜於江都沈法興杜伏威不能救稜奔子通遂入據之武德元年乙卯卽皇帝位國號吳建元明政僭位三年敗奔餘杭因降伏威執送京師後叛亡伏誅

楚

朱燦亳州城父人初亡命爲盜自稱迦樓羅王義寧二年戊寅遂稱楚帝建元昌達僭位二年劫掠殘戮專以婦人孺兒爲糧敗降復叛奔世充東都平斬洛水上士庶競擲瓦礫擊其尸須臾若塚



楚

林士弘饒州鄱陽人初與鄉人操師乞爲盜師乞自號元興王建元天成大業十二年據豫章爲隋將劉子翊射死士弘收其衆復戰殺子翊遂大振據虔州自稱楚皇帝建元太平僭位五年敗於蕭銑銑亡唐趙郡王孝恭攻之敗死

梁

梁師都夏州朔方人爲郡豪姓大業十三年

丁丑結徒爲盜殺郡丞唐世宗據郡稱大丞相聯兵突厥自爲梁國僭卽皇帝位建元末隆數引突厥入寇貞觀二年唐伐破之其弟洛仁斬首以降自起至滅凡一十二年

長樂


李子和同州蒲城人本姓郭以罪徙於榆林大業十三年丁丑郡饑子和與死士十八人殺丞開倉賑饑自號永樂王建元丑平



南連梁師都北事突厥始畢可汗冊子和  
爲平楊天子不敢當乃更署爲屋利設武  
德元年獻款授靈州總管後轉黔州都督  
卒

歷代帝王







律